



6. maj 2022

Inatsisartut ingerlatsinermut maleruagassaani § 37 imm. 1 malillugu Naalackersuisunut uku apeqquteqaatigaakka.

Naalackersuisunut apeqquteqaatit:

1. Naalackersuisut ilisimavaat, peqqinnissaqarfiup IT-systemia tunngaviusoq atassusiisartuulu, russiusut, Ruslandimi najugaqartut?
 - a. Taamaassimappat; suut suliniutit aallartinneqarsimappat peqqinnissaqarfiup internetsikkut isumannaallisarnissaanut?
 - b. 0-miik 10-mut, 0 appasinnerpaalluni 10-lu qaffasinnerpaalluni, qarasaasianik tiguaaniarnernut atortorissaarutillu kipisoornissaanut qulakkeerneqarnissaanut navianartorsiorneq sumut killeqarpa?
2. Suut ulorianartorsiorititsisinnaasut Naalackersuisut, suusinnaaneriniq isumaqarpat, russit Peqqinnissaqarfiup IT-mik atuinerannut atassuteqartitsinerannut?
3. Peqqinnissaqarfimmut suut kingunerusinnaappat, Fujitsu aamma russit naalackersuisui, Kalaallit Nunaanni Peqqinnissaqarfiup internetsikkut atortorissaarutaannut killilersuilissagaluarpata?
4. Tunngavilersuutit suuppat, russit Kalaallit Nunaanni suliaqarnissaasa qinerneqarnerannut nunat allat internetsikkut atortorissaarutaannut sanilliullugit, soorlu assersuutigalugu EU-p killeqarfiata iluani?
5. Naalackersuisut oqaluttuarisinnaavaat, elektroniskimik napparsimasut journaliisa, COSMIC, sumik allamik taarserneqarnissaanut?
 - a. Naalackersuisut paasissutissiissutigisinnaanerpaat, qaqugu naatsorsuutigineqarsinnaanersoq, elektroniskimik napparsimasut journaliissaat nutaaq atortuulersinneqassanersoq?
6. Naalackersuisut suliassamut soqutiginaatilinnik allanik nalunaaruteqarsinnaappat?

(Inatsisartunut ilaasortaq Anna Wangenheim, Demokraatit)

Tunngavilersuut

Ruslandip Ukrainimut sorsulernera nunarsuarmut tamarmut sunniuteqartorujussuuvoq, nunatsinnullu aamma kinguneqarluni. Tamanna tunngavigalugu soqutigaara paasissallugu Ruslandip Kalaallit Nunaanni suliai Kalaallit Nunaata isumannaatsuunissaanut ajoqutaariataarsinnaanersoq.

Peqqinnissaqarfiup IT-mik atuinera pingasunik tunniunneqartartoq, taakkununga ilaallutik kalaallit nunaanniit, Inu:IT, nunani assigiinngitsunersoq Fujitsu, Kalaallit Nunaannit Danmarkimiillu tunniunneqartartoq. Taakkualu saniatigut tassa Ruslandimeersoq, tunioraasuvoq, pingaarnerpaatut tunioraasuusutut taaneqarsinnaasoq.



Piffissami kingullermi politikkikkut annertuumik kimigiisertoqarpoq - aamma Naalackersuisuni ilaasortanit ataasiakkaanit - kalaallit suliffeqarfii Ruslandimit anissasut suliatillu unitsissagaat. Apeqqutip qulaani pineqartup paaserusunneranut tunngaviuvoq suliat, immikkut ittumik annertoorujussuarmillu soqutigisaqarnermik aammalu tassunga tunngatillugu ernumassuteqarnermik, Kalaallit Nunaanni Peqqinnissaqarfik amerlasoorpassuartigut suliami pingaarnert suliarinissaannut ajornakusoortitsissamat IT/teknologi atorsinnaangikkuniuk.

Innuttaasut peqqinnissaqarfimmit kiffartuuneqarnerat annertuumik kalluarneqarsinnaavoq, sulinermi sakkussat marlussuinnaat allamut attuumassuteqaratik ingerlammata russillu tunniuttagaasa avataaniillutik, taamaalilluni pingaaruteqarluinnartuulluni. Taamaattumik paaserusuppara innuttaasut napparsimasullu ikiorserniarlugit nutaamik allamilluunniit pilersitsinissamat piareersartoqarsimanersoq, ajornerpaamik pisoqassagalarpat, russit akiniaallutik killilersuissagalarpata. Naalackersuisut isummerfigisariaqarpat, inuussutissarsiortut sunnarniarsarlugit, tassunga ilutigalugu russit nunatta iluani suliai tigummiinnassanerlugit, taakkumi uanga ernumanartorujussuartut isigigakkit.

Russit kingullertigut killilersuinissaminnik soorasaaripput nunanullu, NATO-mi ilaasortaasunit Ruslandimit killilersuisunut akiniaaniarlutik. Taamaattumik naatsorsuutigisariaqarparput kinguneqartitsisoqassasoq, Kalaallit Nunaat toqqaannartumik tassunga atasumik isummereernikummat. Marlussutsigut takoreerparput, kingunerlutsitsinernut alloriarnerit siullit, tassani uppernarsarneqarmat inuit pingasut Kalaallit Nunaanneersut Ruslandimut iseqqusaajunnaartut.

Apeqquteqaatima ullut suliffiusut qulit iluanni akineqarnissaat kissaatigaara.